

卷四

書名 皇明文衡一百卷 正德五年序刊本
 撰者 明 程敏政 輯, 明 范震、李文會 校
 卷 卷四
 內容分類 集 總集 各代 明
 索書號 大木 集部 總集類 30
 編號 D7861500

[彩色首頁1](#)

[東洋文化研究所漢籍目錄 編號: D7861500](#)
[東洋文化研究所漢籍目錄所藏漢籍善本文影像資料庫 索書號: 大木 集部 總集類 30](#)
[漢籍善本文影像資料庫文本皇明文衡一百卷 正德五年序刊本](#)
 版權所有: [東京大學](#) [東洋文化研究所](#)
[使用上的注意事項](#)

皇明文衡卷之一



翰林院學士新安程敏政選編
 鄉進士國子監助教永康范震校正
 賜進士應天府儒學教授郊鄧李文會重校



諭中原檄

宋濂

如大德廢長立幼泰定以臣弑君天曆以弟醜兄至於弟技
 直之嘆自是以後元之臣子不遵祖訓廢壞綱常有
 外固不臣服此豈人力實乃天授然達人志士尚有
 以夷狄治天下也自宋祚傾移元以北狄入主中國
 王臨御天下中國居內以制夷狄夷狄居外以奉中

皇明文衡卷之三

皇明文衡卷之四

樂章 琴操

擬大明鏡歌鼓吹曲十二首并序

王紳

臣幸生明時獲際雍熙之治世職儒業而臣又叨竊祿位
媿無以黼黻皇猷伏覩

太祖皇帝手提三尺取胡元平僭亂以肇造區夏所以雪近
代之耻其功誠不在湯武下可無所述以見于咏歌以彼
于音樂乎爰取漢魏以來所載鏡歌鼓吹詞倣其體為十
二篇以紀豐功偉烈曰大明鏡歌鼓吹曲以上雖其言蕪
陋不足以鋪張萬一或者命將出師之時用之軍旅行陣
之間亦可以知

祖宗締造之艱難與佐命元勛之勞烈臣不勝惶愧之至

元季亂極四海兵興

太祖皇帝起淮泗平僭亂正大統為神龍躍第一
神龍躍奮滄溟耀光彩揚威靈沛厥澤甦羣生德所被枯者
榮著仁譽藹義聲壹戎衣天下平混華夷俱來庭歲僅周武
功成考厥績如日升萬斯年昭大明

右神龍躍二十句句三字

蠻子海牙以舟師扼采石王師與戰克之為殪奔鯨

第二

鯨之奔勢甚張率醜類橫大江礪厥刃比厥航聯伍為什點
且狂皇旅奮義旌揚兵所指冰沃湯衝其要扼其吭有弗
若者嬰以鎡鯨既殪授我疆天兵赫赫從此光

右殪奔鯨二十句句三字

元將據建業天兵擊之為開洪基第三

江之表惟建康負天塹勢莫強彼昏不知肆譎張恃其險干
天常

皇震怒整戎行義旗一指虜馘亡授我首啓我疆大業已建
洪祚昌

右開洪基十六句句三字

陳友諒據豫章

太祖親征之大戰鄱陽友諒死降其眾為平江漢第四
江漢湯湯厥惟豫章醜虜憑之以恣寇攘屢涉我疆以跳以
跟天眷有明命我

哲皇爰整其旅以扼其吭戈矛洸洸旂旄煌煌部伍行行解
艘將將鏖戰大呼雷轟電揚虜酋既斃虜衆亦降凱歌以還

形於樂章於赫武功上媿商湯

右平江漢二十二句 句四字

張士誠據全吳命師縛之為縛狡兔第五

趨趨狡兔固其窟穴踰伏草萊肆厥慧黠跳踉三吳馳突兩

折
皇命征之授以節鉞桓桓虎臣鷹揚大桀兵不留行亦不載
血力屈智窮自貽机穽銜壁而歸繫以纆紲民瘼既平天討
斯揭偉哉豐功允矣超絕

右縛狡兔二十句 句四字

元順帝能知天命舉族北歸燕京承平為平胡邦第

六

胡運既去如秋之索上德政不脩疆宇日削爰靡我邦于彼胡

漢義旗所指摧山震嶽君臣稽顙若崩厥角舉族遠遁不待
誅縛既屋其社寰宇清廓伊誰之力惟 皇先覺

右平胡邦十六句 句四字

方谷珎自元末跋扈東海命將征之舉族來歸為波

海平第七

元政既不綱萬國兵搶攘梟雄利草昧突起溟海傍名號僭
相加狼貪狼如羊大舶連百艘雲濤相擊撞蕞爾鯨鱸窟自
擬蛟龍蔽天兵渡東浙疾若列鈇尤甚於載妻于逃匿海中
央尋復係厥頸來詣轅門降震雷既輯聲朝曦出扶桑帖爾
波不與浩劫塵不揚殘民沐文化宛若鄒魯邦

右海波平二十二句 句五字

陳友定據全閩出師執之為拓閩境第八

真主起淮泗沛澤加無垠陳氏逞顏猗烽火連七閩自恃險
且遠偃蹇不我臣天兵忽爾加奮擊速且神執訊仍獲醜困
彼涸轍鱗凱旋獻俘馘磔裂徇頑麗海埃遂清靜千里無纖
塵群民樂蕃息煦煦涵陽春

右拓關境十六句

張師道李思齊據關中兵平之皆入職方為定關
陝第九

元德昏政焚焚氓戚懼于旻情上格命明君二豎無職方
信梗我化據中原王師一加猶才循雄兵烈烈車墩墩鐵山
且碎虜曷存禡爾魄奪爾魂殲厥渠魁弔厥民關陝平蕩無

妖氛

右定關陝二十二句

元社既屋苗裔猶存大兵再加窮極北漠而胡遂滅
為蕩明穴第十

元民有天下腥膻我中原辨髮裂冠冕士效呻吟言

聖人受天命遠續皇王傳手提三尺劍起自淮泗填削平諸
僭亂胡遂窟然屏迹雖甚邈天討不可延窮追及沙漠巢
穴無復全卓哉皇業勳上雪唐宋寃

右蕩胡穴十六句

明王玘據全蜀僭大號師出討之舉國來降為關川
蜀第十一

夏明氏據全蜀僭大號保西陬恃其險遠弗臣伏我師征之
兼水陸搃厥吻搗厥腹以杖擊地駭神速焚爾櫬受爾王待
爾不死恩尤篤陶至和被清穆五十四洲歸化育

右開川蜀二十句十五句句三字
五句句四字

元属梁王保雲南招諭不降師出征之梁王死六詔
平爲斯苞栢第十二

巨木既蠹根本繇傾爰有專栢猶假息以生

皇曰肆哉毋讎我兵俾其自歸平定二月五日屢遣使命諭以
至誠蠶茲弗靈恣其頑冥

皇赫斯怒平定二月五日整旅以行能罷百萬如雷如霆摧朽拉枯烈烈
轟轟虜酋既殲纓纓悉平遐邇歸化四海由以寧

右斯苞栢二十二句十八句句四字
四句句五字

擬祭告天地樂章凡十二
梁寅

禮局中承 詔分撰郊社宗廟樂章故有此作其音調乖
戾雖不可彼之筦弦然出於

上命不敢棄其草謹錄藏之

迎神

天道大矣物繇以生地道廣矣物因以成惟鴻恩是資惟禋
祀是明神之格兮瞻續紛其並迎

奠玉幣

奠以嘉玉栗而温兮薦以重幣燁其文兮庶鑒茲哉斯禮之
存兮

奉牲

既虔我祀既具我牲角其爾栗心之誠有必其芬于豆于登
五音會合和而平

上帝酌獻

仰明明瞻巍巍如事父栗以奠物莫稱德曷報之酌用陶匏

斯其宜

地祇酌獻

勢廣厚德含弘五行具百物生承天之施功之成何以報貺
醑惟馨

上帝亞獻

父事惟天格神以心赫赫在上洋洋若臨樂既具止有錚其
音酌言再之度明明之降歆

地祇亞獻

母事惟地物無不載九穀既登百貨是賴罔敢煩而瀆罔敢
忽而怠昭茲嘉貺沛兮未有艾

上帝終獻

禮行匪懈祀事孔明琤帝菲菲華澄百玉皇豐豐我誠崇盛潔我臣
觴陰陽之和邦家之昌

地祇終獻

六府孔修生我兆民富媪之功陸海之珍洞洞屬屬清醑以
陳所佑維德禎祥其臻

分獻

鸞輿下臨從百神金支秀葉權五雲壇峨峨靈欣欣位以厚
列享明禋

徹俎

禮嚴厥初尤慎乎終徹以示敬儀雍雍嘒嘒管籥五音從
望燎瘞

在縑早維玉在篚維幣禮從厥初燄燄迺瘞疑照立以瞻匪
終忌

送神

神颺若馳香零上翔蒼龍並騰車以行顧茲瑤壇兮尚有榮光

擬朝會樂章 凡十二首

王景

天命有德之舞

嘉禾進

堪輿寧叶氣蒸萬彙萬嘉禾生祥颺瑞露凝光精一莖九穗有三登田畷駿奔進

天廷薦宗廟將德馨時和歲豐樂大年乃知

天子在樹德雲龍風虎開休禎

野繭成

端道昌至治明萬化滋植盈八荒倚嶽野繭集我條樂載

載成以玄以黃以登于明堂至和磅礴黼黻文章繅為五彩絲上補虞舜裳

騶虞獻

騶虞至周服至仁表天造飢不食生玄畝行不踐生草

聖皇御宸極德澤被枯槁林邑神聖初召南風化首邁遐躅前無偶啓貞符垂沐久

神龜呈

箕疇演洛之靈玄龜出

聖之徵皇孝理表八紘役五神策六丁胤五總符十朋介金石利永貞

天子九九八十一萬歲壽與天齊并

黃河清

黃河清七百里水精宮下見底

聖人在位天心合并六合澄清萬國文明捐雜佩兮蒲津遺
玉珞兮龍門川后跽而陳辭兮錫蕃釐于

聖君

四夷來

天子踐祚宏拓皇謨義聲翕沓陰肅陽唯東欵扶桑西徼余
喜幹海祝栗統為一家繩牽索引咸傳于都莫不震懼天休
涵濡狷狷狃狃以拱宸樞玉帛匪頒王會有圖萬歲千秋協
我貞符

明德新民之舞

黃河澄清

聖人召和黃流獻奇澄波清且漣漪歛薄龍明震湯坤倪為

雷法張光燭化機上下一碧機動天隨天啓

聖神河水為清天啓 聖神治化底成 聖德天齊造化降

精 聖德天齊心與道疑萬國一統 聖聖相承

嘉禾同穎

祥開函宇地出嘉禾端倪叶應大瑞是荷同穎異畝瑞協周
家以濯仁風以昭泰和惟 皇忠厚被草木懋昭大道同變
化是知 聖心能致和上與天運同亨嘉

慶雲成彩

德動天鑿慶雲呈祥紛為華蓋燁為天章郁郁芬芬變變茫
茫映日烜彩隨風飛揚昭回麗河漢覆燾弥下方
神聖揚清芬溥暢融天光

龍馬來廷

天之駟龍之媒產大宛徵渥洼追流星爾天街汗流赤心九
垓歷閭闔觀玉臺西風十二閑爭稱龍馬來蹴踏五雲暖神
光夜昭回詠蕩蕩天門開

甘露降祥

和氣叶甘露疑晒寶斃軼金垂厭厭泥泥穰穰熒熒而於繁
其英如飴如飴如珠如脂不隨日以晞

天子神聖與天合德至和攸繹以濡天液

天子聖仁與天同甄至和氤氲以播靈芬瑞應之彰有苾其
芬於萬斯年受天之慶

四夷咸賓

聖皇御天治化攸甄文武並用其幾我神極日月之所昭莫
不獻贊而效稱普天率土悉安悉臣環拱北辰以沐至仁德

懋被乎芻蕘聲教暨乎八蠻陋漢唐之用師侈成周
其道斯何王者無外

擬朝會樂章

凡平六首

顧祿

升座

樂奏泰安之曲

金門洞開寶座尊崇煌煌龍衮穆穆

聖容俯臨萬國高拱九重臣民稱賀玉帛來同

公卿入門

樂奏治安之曲

萬乘天臨下官景從濟濟卿士秩秩三公造班駕鷺接武
龍同心協德永効公忠

上壽

樂奏壽安之曲

天眷

聖皇應運開基尊臨大寶撫有華夷武功底定文德弘施微

臣曷報仰稱壽卮

君親之重實為臣綱

至尊至敬著在天常仙韶按曲玉醴浮觴載伸華祝萬壽安
康

舉酒

樂奏嘉禾之曲

有美嘉禾勃如雲興一莖九穗異畝同榮至和所召盛德之
徵厲諸郊廟用慶豐登

樂奏卿雲之曲

天上垂象著于卿雲九苞鳳彩五色龍文迎風郁麗映日綱
縕有徵斯應實惟

聖君

樂奏紫蓋之曲

聖人受命紫蓋呈祥亭亭錦覆燁燁霞張天中屹立雲際彤
揚眷茲靈祐

國祚隆長

樂奏彤旗之曲

在昔征伐旗纛為先仰惟
聖朝著象于天彤竿對峙赤羽文鸞克敵之應萬方歸焉

樂奏神芝之曲

后祗效德神芝挺生曄曄三秀濯濯九筮紫蕤絢彩綠葉敷
榮願著聲歌播于大廷

武功之舞

聖主承

天運臨濠樹義旗萬方思酒日一劍奮興時采石方收捷金

陵即駐師神機安可測建此萬年基六命歸真王群心屬
至尊神功參造化英略定乾坤永洽雍熙治弘惟曠蕩恩華
夷俱奉貢冠帶入天門

六成

江漢親征日風雲膺算中六師方奮武孤寇已潛蹤矢石飛
星急樓船烈火攻興王天已祚次第靖群雄

萬乘龍飛始東吳尚陸梁天兵將問罪驕虜敢稱王負固
三時久終成一戰降山河畿甸接表裏壯金湯

陝右遺梟獍山東據虎狼神威方遠及小醜孰能當飲馬黃
河上觀兵華岳傍來蘇人望切載道獻壺漿

王師若時雨隨地霑恩波東浙爭歸欵南閩已戢戈山川回
正氣田野起謳歌一洗兵塵淨群生樂泰和

巴蜀雖云險區區在一隅偏方寧自守逆豈謾狂圖正類
截井真成虎負嵎神兵飛渡入俄報定成都

大將承王命長驅向北征揮戈清朔土按轡入燕城圖籍
登天府車書混玉京從容歸奏捷萬姓共歡迎

文德之舞

一統

皇圖大三陽泰運開王侯鳴珮入蠻貊獻珠來瑞靄騰金闕
祥雲護玉階太平人物盛鼓舞樂春臺

鷄鳴欲曙天冠蓋集群賢拜舞瞻
龍座懽愉侍

御筵玉杯傳法醞仙樂奏宮懸願祝
君王壽齊稱億萬年

六成

五彩眩晴虹神都王氣鍾石城嚴踞虎鍾阜鬱蟠龍宮闕天
光近金湯地勢雄四方均貢賦萬國敬來同

皇朝崇祀典

聖主每齋心天地嚴昭格神祇肅降臨牲牢歆大享金石奏
清音三獻精誠至端知錫福深

創業知非易圖安念守成

帝心常簡注

皇業在經營脩德承天意推誠軫物情一人恢大業萬國仰
昇平

盛典稽前古

皇心協至公建

諸安國本列表土錫玉封玉册加殊禮金文

衍大宗群臣無以贊三祝但呼嵩

宵旰思賢切旁求滿四方山林登隱逸朝野慶明良際遇風

雲會瞻依日月光同心匡盛治竹帛永流芳

中國聖人興羣方仰大明海波俱帖息年穀屢豐登玉帛來
諸國梯航貢上京臣民咸舞蹈

萬歲賀朝廷

還宮

洪惟

聖主端冕凝旒高躋舜禹遠邁殷周功成治定禮備樂脩受
天之祐萬歲千秋

補雩壇祝舞歌辭

宋濂

周官有司巫掌群巫之政令若國大旱則師巫而舞雩漢

法夏不雨祀龍毋舉土功更火浚井暴釜于壇杵曰于術
為四通之壇於邑南門外方七尺植赤繒七其神蚩尤祭
之赤雄雞七玄酒具清酒搏脯祝齊三日服赤衣拜跪陳
祝辭以丙丁日為赤火龍一長七丈又為小龍六長三丈
於南方皆南向壯者七人皆齊三日服赤衣而舞之司空
嗇夫亦齊三日服赤衣而立之鑿社而通之間外之溝取
五蝦蟇錯置社之中池方七尺深一尺酒脯祭齋衣赤陳
祝如初取三歲雄雞豕猪燔之四通神宇令民闔里南門
開里北門幸得雨報以豚一酒塩黍財足以茅為席然周
制久廢典午以降漢法亦不行而祝辭尤闕歲丙申夏旱
羣巫雩于山川之神予既書其事授之復補其辭使巫歌舞焉
於泰鴻胃下民動以化時屈伸燁朱鳥萬物甄亢則害陽畢

屯土膏耗翁欲瘠田暖奔勢維磴壇四通俊明神神中際勃
如煙

毫嘉錫燦若羅繭握薦豕炳管蕭灌鬱金菊芳蒸氣上延合
溟濔洞五精貫八標茫無外莽脩脩門沉矜駕以夙俯下土
無不剗

鬱行風羽輪翔玄黃變慘復爽衆孀集九景章夢然存索之
亡爍陰明迴叢陽符翹襟逝弗忘崇明禋成稽功憑紺筵嚴
以叩

應上公與天通植赤繒驂紅龍左列缺右豐隆流火降鉅若
鴻鬼婦劉散為風灑靈注徧四封函斯活顛茸茸衆維魚兆
已從

融祉暉毓宵氓甫田阜物豫成風平平綽以行人勇與鬼勝

嚶耿曜振霈充盈神心暢樂茫良四寓綏萬國滂洽大康慶
昭膺

廣漢難辭

宋濂

難古禮也周人三時皆行之春冬之季難難陰氣也仲秋
之月難難陽氣也蓋二氣或伏屬將乘之為災故難以止
焉其制命方相氏帥百隸索室毆疫以逐之又磔牲以禳
四方之神漢龍衣周制而其儀加詳選中黃門子弟百二十
人為侂子赤幘皂製執鼗方相黃金四日蒙熊皮玄衣朱
裳執戈揚盾十二獸有衣毛骨中黃門行之冗從僕射將
之以逐惡鬼於禁中夜漏上水朝臣會侍中尚書御史謁
者虎賁羽林郎將執事皆赤幘陞衛乘輿御前殿黃門令
奏曰侂子請備逐疫於是中黃門倡侂子和其辭凡八十

言繼作方相與十二獸儼謹呼徧前後省者三特炬火送
疫出端門門外騎士以次傳火棄雜水中自漢至今

朝廷之難雖廢而民間猶有存者先臘一日巷陌社隸飾鬼
神貌御五色龍虎文衣巡門擊鼓而難之予惡其言鄙褻
因疏古者用難之意復廣漢辭使習焉其辭曰

陽陰乘化左右而行日歷昂畢得積屍大陵其氣勃芒更涉
虛危墳墓西司鬼官攸房厲附強陰而降于釁殃咨爾十二
神宣其威良熒突劔亢腓胃食虎甲作食凶雄伯食魁騰簡
食不祥攪諸食外伯奇食夢祖明強縶共食磔死寄生委隨
食觀錯斷食臣刳其腎腸窮奇騰根同享於蠱母使害傷咨
爾十二神鍛爾戎兵出軛四方吮厲之益以代酒將解厲之
肌以克糗糧絲厲之臙織以為衣裳斥除隱陰暢回明陽乾

坤載清物赫民印惟爾神之功神或不覆上帝是明急急如律令

銅井迎送龍辭

唐肅

伐鼓兮吹簫迎我龍兮山椒龍之都兮何所泉淵淵兮石為戶扣龍車兮乞靈龍不出兮我心若醒我心若醒兮龍寧弗聞

我扣龍兮龍卹風旋波兮龍出龍之出兮福予變旱燒兮為澍龍為澍兮我弗飢返山椒兮雲旗風冷然兮龍之歸

迎日辭

鳳炙兮麟脯瑤席兮桂俎樂萬舞兮如雲吹笙舞兮龍之女旌子兮感與六蒼皇歷天衢雲霈霈兮夜未艾執長轡兮又相待

平胡饒歌鼓吹辭有序

楊士奇

臣聞兵者聖人所以衛民之具也故為天下國家者不可一二日而忘武備易曰除戎器戒不虞書曰克詰戎兵至若征伐蒐狩具見於詩禮春秋皆聖人重武事也洪惟我國家肇膺天命武以靖亂文以經邦列聖相承其道一揆

陛下嗣承大統恢弘化理海內海外日月所照臨之地其人皆摠誠効順祇奉方物朝獻闕下惟朔漠殘虜叛服不常屢寇邊陲擾我黎庶乃今歲之秋田穀登場三農畢務皇上因田獵以閱武龍旌所嚮于畿東郊而東北塞垣不遠伊邇遂戒六御親飭邊防車駕蒞薊州之石門邊報胡虜入寇已迫塞下

上曰天厭其惡佯來就斃乎將士皆踴躍思奮

上曰兵貴神速朕以鐵騎先馳赴之當今迅雷不及掩耳爾將士以次徐來即日

上率鐵騎三千出喜峯關翼日與胡虜遇虜駭愕出不意謂神兵自天而下也

上麾鐵騎為左右翼前包虜陣飛矢如雨虜狼狽死者甚眾餘率累創退走

上以鐵騎數百繞出虜後盡獲之遂斬其酋渠而生繫其眾虜無一跡得遁者遂命將士搗虜巢穴而悉收其部落族屬及所畜聚駝馬牛羊輜重以累萬計關塞以北羶腥之

區蕩然一清臨邊之氓遂以安枕無虞臣惟

皇上聖志宵旰孜孜篤在安民車駕之初出也因農隙以

講武事因所歷以飭邊防非有意殺伐也而天絕醜虜將受其命於聖明故使之豺豕跳踉而天戈一麾瞬息之頃灰滅漸盡此皆本於

皇上愛民之仁得天助佑而明斷天縱英武神奮遂建廓清之大功蓋近代帝王所鮮有也臣嘗考見古昔盛時帝王建武功者皆有饒歌鼓吹樂辭被之絃歌用示永遠臣忝執筆從屬車後目睹

聖武神功之盛不能自默謹做漢唐篇數撰饒歌鼓吹曲辭十二篇庶幾宣著盛美於無窮焉謹錄上進伏惟

睿覽

秋穀既成農事告畢車駕因由獵以飭邊防為田

獵第一

皇聖仁恤元元勤宵旰保厥安顛氣肅露溥田穀成農乃
閒駕六御獮于原颯蕩氛景凝春導旂常翼旗幡衛弓矢從
羽于鑾雍雍鼓闐闐行郊畿歷山川遊豫時兆庶歡

右田獵之曲二十二句

車駕及石門驛邊城奏虜入寇遂定親征爲邊奏

第二

嚴警蹕先皇輅坦坦砥如薊之路東不陟陘以阻士鷹揚奮
飛度有來匪函奏龍御謂胡犬羊呈邊侮
皇曰噫嘻胡曷恃而來自投于隕天俾之天所俾予敢稽顙
厥渠縛厥徒胡之穢其在斯

右邊奏之曲二十二句

車駕出喜峰關道陘而險將士奮勇以從忘其勞

馬爲度關第三

度關山履嶮陘以峻十步九屯旅肅肅氣桓桓凌奔崖越
飛湍歛旄鉞包旌干潛鋒鑿鏗捷羽翰 龍御所歷祥景暄
虎豹遠遁跡陰霧披以散但望殺氣遠塞垣虜冥昧尚恣兇
殘

皇威一震奮擊下九天

右度關之曲二十二句

車駕出關一戰殄虜悉戮其酋渠生繫其徒爲皇

武第四

皇武揚奮自天智以勇機捷神左麾右斥鐵騎奔捲如電掃
呼霆震虜魄攝虜魂摧虜陣蕩虜群蹂躪泥滓揮埃氛燎
毛斧枿歛已塵停龍劔息虎賁 天威怡 天顏

右皇武之曲二十句

分命將士索虜巢穴用竟天討為天討第五

麾將校窮幽僻搗巢窟歷山澤索種類搜部落逐聲影躡蹤
跡驅孳畜舉聚積囊包席捲累萬億氛翳蕩羶腥滌陰山清
瀚海碧曠澄明漠之北萬斯年 神武績

右天討之曲二十

兇愍既清遂撫安邊氓為安邊第六

斬蛟鱓禽大彘疆場靖寧 聖不忘備脩防禦申警戒咨爾
邊之氓我綏我懷祛爾害灾康爾危爾勤爾生固畏疑力爾
田桑去爾寒與飢爾老爾安爾幼爾慈疇爾厲群以治疇爾
厲予在茲

右安邊之曲二十句

武功既成 詔告中外為武功第七

皇仁威靖疆圉

皇聖志布昭于下渙德音周率土維時烝民受天之付與圖
保厥付勤旦與暮有其毒之敢康弗赴斲之執之匪予志究
武敬天之付亦承厥佑助猗

皇仁承天祐

右武成之曲十八句

邊圉既寧下令班師為班師第八

氛塵息邊徼清武功建
皇心寧鏡簫作凱奏興 六龍御八鸞鳴祥颺翼輦慶雲承
旌傳警修途班師上京大明行天川岳光榮太和融管萬物
遂成美洋洋騰頌聲

右班師之曲十八句

車駕旋京行獻俘禮為獻俘第九

維大寶承于

祖考維下民 祖考後保克時永保維

皇聖孝維 皇聖仁惠保暨濱徼彼狂以擾肆用劉勦馘與

俘祇告清廟剪稂與莠穀用秀好維

祖考之制欽率允蹈 皇神武往有_祀

右獻俘之曲十八句

既旋勞賚將率為將勞率第十

皇振旅皇明堂賚將率以勞以享奏常武歌杖杜

皇曰爾來予股肱心膂維時武功俾民遂保豈維予克奮

汝良予輔咸拜稽首維

皇神武

聖謨斷自天康時兆庶

右勞率之曲十六句

武功既昭丕隆德化為隆德第十一

皇統御政化明威服德懷洽萬邦傾誠來歸筐篚相望蠢彼

孽虜性豺狼獨反側靡常窺間伺隙為寇攘

皇震怒神武揚天戈振一掃澄清蕩蕩寰宇如砥平橐弓載

矢韜五兵尚飭干邊防嚴禦備式永寧坐黼宸弘化綱煥禮

樂齊虞唐

右隆德之曲二十二句

海宇泰和天下忻戴咸祝

聖明萬萬歲壽為 聖壽第十二

皇震威

皇仁宣溥四表霽八埏日月所照臨雨露無私偏

咸足飽與溫禮讓弗愆泰和世堯舜恩國家隆盛海宇安
天子御卅辰萬億年福廣大齊乾坤

右聖壽之曲十六句

代祀漢光武皇帝辭

劉定之

漢光武皇帝享國餘三十年垂統過二百年祀典越千數
百年而弗替何其盛哉竊嘗以爲武功文治帝者之所難
兼自漢諸帝言之武無競於高祖而以在位日淺故不暇
給於文文莫懿於太宗而以繼體守成故無所事於武兼
之者帝也至其量時度力閉關却質置孝武之功於度量
之外明慎政體總攬權綱包孝宣之治於範圍之內帝之
所就出乎漢諸帝之右有若此者則其盛也不亦宜乎惟
聖天子重登大寶祭告于帝而臣實來供事爰述其槩而

繫以辭曰

木蒼蒼兮山風妥玉體兮玄宮皇靈兮如在亘古今兮曷窮
杳南巡兮春陵舊鄉過故都兮洛邑之陽復北返兮至茲稅龍駕
兮徜徉鑑芳潔兮禋祀飄何往兮瑤空無際夜闌兮天漢橫
烟參旗兮斜曳皇應侍兮上帝之所求錫福兮
聖世

琴操

飛泉操

宋濂

浦陽玄麓山有飛泉濂與鄭原先生數觀之造飛泉操鼓
之琴書諸崖石其辭曰

飛泉兮瀏瀏洗耳固非兮誰飲我牛覆謂我汚兮移彼上流
具人之形兮奈何忘人之憂

琴操二首

客有吏於海東者以能擊貪暴聞然終用是受誣嘔血死
予友胡徵君為著哀辭一通予讀之甚悲竊取其意作哀
海東傷妓女二操使善琴者彈而和之客之鬼或有知則
其辭鬱之氣庶幾少伸矣乎辭曰

我哀東海而思之苦彼何人斯猛噬如虎我不擊之我民之
憂縱不我與覆以我為仇蒼天雖高究其有極非血之嘔曷
明心赤泱泱大風沉沉寒泉舍旃舍旃我尚何言

右哀海東

有妖者女顏如舜英詆我以醜我其何傷眩白為黑舌亦多
有自尤不遑敢誰之咎黃鵠飛來其音閭闔我心為安何戚
弗欣天上地下命也奈何命也奈何焉知其他

右傷妓女

思沂操

胡翰

曾氏有居越者睠焉不忘曾之舊鄉余以聖賢之道不下
帶而存也作思沂操以廣其志云

沂之水兮泱泱曷不歸兮以浣我裳我思兮孔長沂之水兮
湜湜曷不歸兮以沐我德我思兮心惻沂可思兮亦可沂予
鼓而舞兮喟吾之與兮

風雷引

烈烈兮轟轟為颶兮為霆迅發兮震驚薄太虛兮下上聲謂
天憐兮孔仁孰司柄兮赫厥靈民無愕兮載寧威既揚兮沛
澤零

在陳操

劉基

彼山有揚兮彼隰有栩彼路斯何兮孔棘且阻玄雲杳冥兮
不日以雨重華寂寥兮誰與晤語茫茫九州兮孰爲予所龜
蒙無人兮駕子歸處

古琴操

王禕

春秋時晉大夫有從事于外而不得養其母者作皇天操
皇天至仁冒下土兮林林總總各獲其所兮我獨何爲不得
以養其母兮育我鞠我亦已太苦兮養之弗時我何爲者兮
自我徂征離此膝下兮有食孰以食疾痛其孰摩撫兮我之
念母心焉如縷兮母之念子亦豈寧處兮皇天之毒我其終
我祐兮

右皇天操凡十韻

戰國時楚臣有忠其君而被竄逐者作江漢操

江漢滔滔曰注乎東只豈惟江漢百川朝宗只臣之事君所盡
者忠只臣忠之盡見謂爲狂只我君聖明如日正中只豈弗
臣察其或未遑只抑臣實有罪盍反諸躬只自今以往矢益
竭衷只臣雖身遠臣心上通只臣心之通君終臣容只謂臣
不信江漢其同只

右江漢操凡十一韻

廣琴操十首并序

朱右

操者操也君子操守有常雖窮阨猶不失其操也其音節
固古詩騷辭之體然詩以興騷以怨操以操作廣琴操廣
云者題義因韓子之舊也

將歸操

孔子之趙聞殺鳴犢作

河之深兮誰將厲之河之淺兮誰將揭之河洋洋兮不我濟
之竭澤以漁兮蛟龍辟之覆巢殀胎兮鳳凰去之夫人有知
兮予實類之九州博大方將予遂之

倚蘭操

孔子傷不逢時作

習習谷風以陰以雨巖穴幽阻誰其晤語倚蘭之芳燁燁其
光不我佩服昊天孔明子如好脩維我之求子如不好於我
何郵

龜山操

孔子以季桓子受女樂諫不從望龜山而作

維龜有山造初鴻濛自龜之東淮夷來從骨澤既施華木實
多周公上天祭龜山何

越裳操

周公作

天之聰兮曠曠其音天之明兮窅窅其深天之仁兮實臨下
民文王在上兮於穆不已浩浩其天兮時暘時雨越裳來臣
兮萬物斯覩

拘幽操

文王美里作

爰之陰兮杲杲之室兮幽幽嗟室之人兮為死為囚匪維
伊憇兮實我之郵日月有明兮容光弗留

岐山操

周公為大王作

自邠有家于夏之先克承弗怠瓜瓞綿綿開我邠宇衍我宗

禮嗟狄之人敢乘以奸彼岨矣岐將遂于遷既有我土毋戕我民

履霜操

尹伯奇無罪為後母譖而見逐自傷作

驅車驅車車行無逢兒在中野父寧不悲驅車驅車車行無違兒當有母孰使兒飢天生衆民罔不同仁風雨霜露實活我人民生有知以順天賦

雉朝飛操

牧犢子七十無妻見雉雙飛感之而作

雉于飛山之陲孤雉啄羣雌隨雉于飛音下上陰陽和鳴聲暢胡我人朝出薪入無家徂歲年

別鵠操

商陵穆子娶妻五年無子父母欲其改娶其妻聞之中夜悲嘯穆子感之而作

黃鵠雙飛朝隨暮歸山川悠邈不女乖離今當乖違且復徘徊女啄女飲毋使女悲

殘形操

曾子夢見一狸不見其首作

狸維獸不見其首我夢之形吉凶曷究式協于占載觀其繇曰脩爾躬自天之佑

望歸操

高啓

哀周復子死於虎而作

兒旦而出于山之麓兮兒夕不歸在虎之腹兮我往無所榛蒙龍被谷兮嗟爾耽耽弗食我豕犢兮穴亦有子胡寧使我

獨兮

皇朝文獻卷四

三十四



東洋研究會
圖書印

所
圖
書